

Broj: 11-1152-2/17.  
Sarajevo, 28.08.2017. god.

U skladu sa članom 70. stav (1) i (3) Zakona o javnim nabavkama Bosne i Hercegovine („Službeni glasnik BiH“ br. 39/14) i članom 5., stav (2) alineja b) Pravilnika o postupku direktnog sporazuma (Službeni glasnik BiH br. 90/14), a na osnovu člana 42. stav (2), alineja e) Pravila KJU „Gerontološki centar“ Sarajevo, člana 8., stav (2), alineja b) i člana 9. stav (3) Pravilnika o postupku direktnog sporazuma KJU „Gerontološki centar“ Sarajevo, Direktor Gerontološkog centra, d o n o s i:

### O D L U K U o dodjeli ugovora

1. U postupku **direktnog sporazuma**, sa određenim ponuđačem, provedenog u cilju **dodjele ugovora za nabavku usluga kolektivnog osiguranja zaposlenika i imovine ustanove za potrebe Kantonalne javne ustanove „Gerontološki centar“ Sarajevo**, za period od 1 godinu, prihvata se dostavljena Ponuda Ponuđača „GRAWE OSIGURANJE“ d.d., ul. Trg solidarnosti 2., Sarajevo, od 25.08.2017. godine, sa predloženom ukupnom cijenom ponude, u iznosu od **5.860,00 KM bez PDV-a**, i to:

a) **Kolektivno osiguranje zaposlenika, Ponuda broj: 4007195 od 25.08.2017. god., ukupna mjesečna premija osiguranja za 123 zaposlenika iznosi 249,10 KM bez PDV-a, odnosno na godišnjem nivou 2.989,20 KM bez PDV-a** (1 razred opasnosti – premija osiguranja u iznosu 1,44 KM po zaposleniku mjesečno, II razred opasnosti – premija osiguranja u iznosu 2,04 KM po zaposleniku mjesečno).

b) **Osiguranje imovine, Ponuda broj: 360886 od 25.08.2017. god., koje obuhvata osiguranje objekata i opreme od požara, godišnja premija osiguranja objekata i imovine u iznosu od 2.870,80 KM bez PDV-a.**

2. Nabavku predmetne usluge realizovati zaključenjem ugovora u pismenoj formi.
3. Ovu Odluku dostaviti ponuđaču najkasnije u roku od tri dana od dana donošenja iste.
4. Za realizaciju ove Odluke zadužuje se Služba za pravne i opće poslove Gerontološkog centra.
5. Ova Odluka stupa na snagu danom donošenja.

### O b r a z l o ž e n j e:

Odlukom o nabavci, broj: 11-1152/17. od 21.08.2017. godine, pokrenut je postupak direktnog sporazuma u cilju dodjele ugovora za nabavku usluga kolektivnog osiguranja zaposlenika i imovine ustanove za potrebe Kantonalne javne ustanove „Gerontološki centar“ Sarajevo, za period od 1 godinu.

Zahtjev za dostavu ponude upućen je osiguravajućem društvu „GRAWE OSIGURANJE“ d.d., ul. Trg solidarnosti 2., Sarajevo, koji je dana 25.08.2017. godine u ostavljenom roku dostavio svoju ponudu od 25.08.2017. godine, sa predloženom ukupnom cijenom ponude u iznosu od 5.860,00 KM bez PDV-a.

Nakon izvršene analize ponude, konstatovano je da ponuđač „GRAWE OSIGURANJE“ d.d., ul. Trg solidarnosti 2. Sarajevo, ispunio sve uslove koji su postavljeni u Zahtjevu da dostavu ponude, da se ukupna cijena ponude ovog ponuđača kreće u okvirima planiranih sredstava za predmetnu nabavku, prema Planu javnih nabavki za 2017. godinu i da ista ne prelazi dozvoljenu vrijednost od 6.000 KM, te je ista ocijenjena kao prihvatljiva za ugovorni organ.

Temeljem člana 5. stav 2. Pravilnika o postupku direktnog sporazuma ugovorni organ, nakon što primi prijedlog cijene ili ponudu od jednog ili više ponuđača, a prije zaključivanja direktnog sporazuma, može, između ostalog, prihvatiti i ponudu jednog ponuđača. Shodno tome, imajući u vidu da je dostavljena ponuda ponuđača „GRAWE OSIGURANJE“ d.d., ul. Trg solidarnosti 2., Sarajevo, ocijenjena prihvatljivom za Gerontološki centar kao ugovorni organ, odlučeno je kao u dispozitivu ove odluke.

Izvršenje predmetne usluge će se realizovati zaključenjem ugovora u pismenoj formi, u skladu sa uslovima iz Ponude ponuđača.

Dostavljeno:  
1x „GRAWE OSIGURANJE“ d.d., ul. Trg solidarnosti 2., Sarajevo  
1x Služba za prav. i opće posl. Geront.centra  
1x arhiva javnih nabavki  
1x a/a



DIREKTOR  
Ismet Skoko, mr. sci. ecc.

BU